

ОЛИЙ ТАЪЛИМ МУАССАСАСИ ПРОФЕССОР- ЎҚИТУВЧИЛАРИНИНГ ИННОВАЦИОН ФАОЛИЯТИ ВА УНИ ТАШКИЛ ЭТИШ ЗАРУРАТИ

DOI: <https://doi.org/10.53885/edinres.2021.28.95.001>

Сайитов Сайём Сайитович

Навоий давлат педагогика институти доценти, н.ф.н.

Аннотация. Уибубу мақолада олий таълим тизимини тубдан такомиллаштириши шартни сифатида профессор-ўқитувчиларнинг инновацион фаолиятини ташкил этиши ва таълим самарадорлигига эришиши ҳақида баён этилган.

Аннотация. В данном статье рассматривается организация инновационной деятельности профессоров и преподавателей и достижение образовательной эффективности как условие радикального совершенствования системы высшего образования.

Annotation. This article describes the organization of innovative activities of professors and teachers and the achievement of educational efficiency as a condition for radical improvement of the higher education system.

Маълумки, бугун барча давлатлар таълимга имкон қадар кўп янгилик киритишга интилмоқда. Бугунги янгиликлар уларга уюшган, режали, оммавий ёндашувни талаб этади. Янгиликлар келажак учун узоқ муддатли инвестициялардир. Новаторликка қизиқиш уйғотиш, янгилик яратишга интилувчан шахсни тарбиялаш учун таълимнинг ўзи янгиликларга бой бўлиши, унда ижодкорлик руҳи ва муҳити хукм суриши лозим.[8]

Мухтарам президентимиз Шавкат Мирзиёев инновация ва мамлакатни инновацион ривожлантириш бўйича шундай дейди: “Инновация – бу келажак дегани. Биз буюк келажагимизни барпо этишини айнан инновацион ғоялар асосида бошлишимиз керак. Инновацион ривожланиш ва рақамли иқтисодиёт йўлига ўтишимиз бежиз эмас. Чунки замон шиддат билан ривожланиб бораётган ҳозирги даврда ким ютади? Янги фикр, янги ғоя, инновацияга таянган давлат ютади.”[3]

Ўзбекистон Республикасининг 2020 йил 24 июлда қабул қилинган “Инновацион фаолият тўғрисида”ги Конуни тараққиётимизни кафолатловчи, уни янада жадаллаштирувчи янги ғоя, янги кашфиётлар, илмий ишланмаларни яратиш ҳамда ҳаётга жорий этилишининг ишочли ҳукуқий механизмларини мустаҳкамлашда бениҳоя муҳим аҳамият касб этади.

Конунда ифодаланган таърифга, кўра инновация – фуқаролик мумомаласига киритилган ёки шахсий эҳтиёжлар учун фойдаланиладиган, кўлланилиши амалиётда катта ижтимоий-иқтисодий самарага эришишини таъминлайдиган янги ишланма. Инновацион фаолият эса, янги ишланмаларни ташкил этиш, шунингдек ишлаб чиқариш соҳасида уларнинг ўтказилиши ва амалга оширилишини таъминлаш бўйича фаолиятдир.[1]

Биламизки, “инновация” тушунчаси лотин тилидан олинган бўлиб (in-га, novus-янги), “янгиланиш”, “ўзлаштириш”, “қандайдир янгиликни



киритиши”, “янгини жорий қилиш”, “янгилик киритиши” маъноларини беради. Ўз навбатида “янги” сўзи ушбу тушунчанинг асосий ядросини ташкил этади. Одатда, янгиланиш тушунчаси таълимда кўп ҳолларда ўзгартириш тушунчаси билан синонимдир. Агар ушбу ўзгартириш кенг камровли бўлса ва бутун таълим тизимини ўзгартирса, унда “ислоҳот” тушунчаси билан изоҳланади.

“Инновация” инглиз тилида амалда мавжуд бўлган нарса ёки тизимда янгича усуслар, ғоялар ёки маҳсулотлар орқали ўзгаришларни амалга оширишни билдиради. Масалан, таълим соҳасида янгича ёндашув синфларни кичрайтириш ва фикрни сайқалловчи мунозараларга ўрин бериш, ижодий ишларга ургу бериш, фикрлар (талабанинг ўз фикрига эга бўлишига чорлаш) ва маҳсулотлар (компьютерлар ва онлайн дастурлар) билан таъминлашни билдиради.[9]

Инновация – бу маълум бир босқич асосида ривожланадиган жараёндир. У бир нечта маънодаги тушунчаларни беради:

1. Инновация бу – таълимнинг янги мазмуни, шакл ва методларини ишлаб чиқиши.
2. Яратилган педагогик тизимни жорий этиш ва оммалаштириш.
3. Таълим муассасани бошқариш ва ривожлантиришнинг янги технологиясини ишлаб чиқиши.
4. Тажриба-синов обьекти сифатида.
5. Яхлит педагогик жараённи инновациялаш.
6. Янгиликларнинг қўлланилиш даражасини янги маҳсулдорликлар билан ўзгартириш босқичи.[7]

Олий таълим тизимини тубдан такомиллаштириш, мамлакатни ижтимоий-иктисодий ривожлантиришнинг устувор вазифаларидан келиб чиқсан ҳолда, кадрлар тайёрлаш мазмунини тубдан қайта кўриш, халқаро стандартлар даражасига мос олий маълумотли мутахассислар тайёрлаш учун зарур шароитлар яратилишини таъминлаш мақсадида 2017 йил 20 апрелда Ўзбекистон Республикаси Президентининг “Олий таълим тизимини янада ривожлантириш чора-тадбирлари тўғрисида”ги ПҚ-2909-сонли Қарорига қабул қилиниб, олий таълим тизимини келгусида янада такомиллаштириш ва комплекс ривожлантириш бўйича энг муҳим вазифалар белгиланган. Бунда:

□ ҳар бир олий таълим муассасаси жаҳоннинг етакчи илмий-таълим муассасалари билан яқин ҳамкорлик алоқалари ўрнатиш, ўқув жараёнига халқаро таълим стандартларига асосланган илфор педагогик технологиялар, ўқув дастурлари ва ўқув-услубий материалларини кенг жорий қилиш, ўқув-педагогик фаолиятга, мастер-класслар ўтказишга, малака ошириш курсларига хорижий ҳамкор таълим муассасаларидан юқори малакали ўқитувчилар ва олимларни фаол жалб қилиш, уларнинг базасида тизимли асосда республикамиз олий таълим муассасалари магистрант, ёш ўқитувчи ва илмий ходимларининг стажировка ўташларини, профессор-ўқитувчиларни қайта тайёрлаш ва малакасини оширишни ташкил қилиш;

□ олий маълумотли мутахассислар тайёрлашнинг мақсадли параметрларини шакллантириш, олий таълим муассасаларида ўқитиши

йўналишлари ва мутахассисликларини истиқболда минтақалар ва иқтисодиёт тармоқларини комплекс ривожлантириш, амалга оширилаётган ҳудудий ва тармоқ дастурларининг талабларини инобатга олган ҳолда оптималлаштириш;

□ таълим жараёнини, олий таълимнинг ўқув режа ва дастурларини янги педагогик технологиялар ва ўқитиши усулларини кенг жорий этиш, магистратура илмий-таълим жараёнини сифат жиҳатидан янгилаш ва замонавий ташкилий шаклларни жорий этиш асосида янада такомиллаштириш;

□ янги авлод ўқув адабиётларини яратиш ва уларни олий таълим муассасаларининг таълим жараёнига кенг татбиқ этиш, олий таълим муассасаларини замонавий ўқув, ўқув-методик ва илмий адабиётлар билан таъминлаш, шу жумладан, энг янги хорижий адабиётлар сотиб олиш ва таржима қилиш, ахборот-ресурс марказлари фондларини мунтазам янгилаб бориш;

□ педагог кадрларнинг касб маҳорати сифати ва савиясини узлуксиз юксалтириш, хорижда педагог ва илмий ходимларнинг малакасини ошириш ва стажировкасини ўтказиши, олий таълим муассасалари битирувчиларини PhD ва магистратура дастурлари бўйича ўқитиши, олий таълим муассасалари ва қайта тайёрлаш ва малака ошириш марказлари ўқув жараёнларига юқори малакали хорижий олимлар, ўқитувчи ва мутахассисларни кенг жалб қилиш;

□ олий таълим муассасалари илмий салоҳиятини мустаҳкамлаш, олий таълимда илм-фанни янада ривожлантириш, унинг академик илм-фан билан интеграциялашувини кучайтириш, олий таълим муассасалари профессор-ўқитувчиларининг илмий-тадқиқот фаолияти самарадорлиги ва натижадорлигини ошириш, иқтидорли талаба-ёшларни илмий фаолият билан шуғулланишга кенг жалб этиш;

□ олий таълимнинг маънавий-ахлоқий мазмунини ошириш, талаба-ёшларга мустақиллик ғояларига, юксак маънавият ва инсонийликнинг миллий анъаналарига содиклик рухини чукур сингдириш, уларда ёт ғоя ва мафкураларга нисбатан иммунитет ва танқидий тафаккурни мустаҳкамлаш бўйича кенг кўламли маърифий ва тарбиявий ишларни олиб бориш;

□ олий таълим муассасалари моддий-техника базасини ўқув ва илмий-лаборатория бино ва корпушлари, спорт иншоотлари, ижтимоий-муҳандислик инфратузилмаси объектларини қуриш, реконструкция қилиш ва капитал таъмирлаш, олий таълим илм-фанининг устувор йўналишлари бўйича ўқув-илмий лабораторияларини замонавий асбоб ва ускуналар билан жиҳозлаш орқали янада мустаҳкамлаш;

□ олий таълим муассасаларини замонавий ахборот-коммуникация технологиялари воситалари билан жиҳозлаш, олий таълим муассасалари талabalari, ўқитувчilari ва ёш тадқиқotчilarinинг жаҳон таълим ресурслари, замонавий илмий адабиётларнинг электрон каталоглари ва маълумотлар базаларига кириш имкониятларини кенгайтириш.[2]

Юқоридаги вазифаларни ижросини таъминлаш учун олий таълим муассасаларида инновацион фаолиятнинг самарали ташкил этилиши,

профессор-ўқитувчиларнинг юксак интеллектуал ва инновацион салоҳияти хамда инновацион ёндашуви талаб этилади.

Таълим муассасасида инновацион фаолиятнинг самарали йўлга қўйилганлиги инновацион жараён субъекти ва инновацион жараённинг фаолиятли тузилиши билан бевосита боғлиқдир.

Инновацион фаолият – педагогик жамоани ҳаракатга келтирувчи, олға бошловчи, тараққий эттирувчи кучдир.[8]

В.И.Слободчиковнинг таъкидича, “Инновацион фаолият – бу янги ижтимоий талаблар билан анъанавий меъёрларнинг мос келмаслиги, ёхуд амалиётнинг янги шаклланаётган меъёрининг мавжуд меъёр билан тўқнашуви натижасида вужудга келган мажмуали муаммоларни ҳал ечишга қаратилган фаолиятдир”[7]

Инновацион фаолият бу амалиёт ва назариянинг муҳим қисми бўлиб, ижтимоий-маданий объект сифатларини яхшилашга қаратилган ижтимоий субъектларнинг ҳаракат тизими бўлиб, у маълум доирадаги муаммоларни ечиш учун мотивациян тайёргарликка эга бўлишдир.

Олий таълим муассасаси профессор - ўқитувчиси инновацион фаолиятининг марказий масаласи ўкув жараёнини самарали ташкил этишдир.

Инновацион фаолият узлуксиз равишда янгиликлар асосида ишлаш бўлиб, у узоқ вақт давомида шаклланади ва такомиллашиб боради. Ўқитувчи инновацион фаолиятининг хусусиятларини ўрганиб чиқсан педагог олимлар фикрларига таянган ҳолда, қуидагиларни инновацион фаолиятнинг асосий белгилари деб ҳисоблаш мумкин:

- ижодий фаолият фалсафасини эгаллашга интилиш;
- педагогик тадқиқот методларини эгаллаш;
- муаллифлик концепцияларини яратиш қобилияти;
- тажриба-синов ишларини режалаштириш ва амалга ошира олиш;
- ўзидан бошқа тадқиқотчи-педагоглар тажрибаларини қўллай олиш;
- ҳамкаслар билан ҳамкорлик;
- фикр алмашиш ва методик ёрдам кўрсата олишлик;
- зиддиятларнинг олдини олиш ва бартараф этиш;
- янгиликларни излаб топиш ва уларни ўз шароитига мослаштириб бориш.[8]

М.Жуманиёзованинг фикрича, олий таълим муассасалари профессор - ўқитувчиларини инновацион фаолиятга тайёрлаш муаммосига мурожаат этиш жамиятда инновацион жараёнлар динамикасининг ўсиб бориши натижасида вужудга келади. Унинг таҳлили фақат фан ва техника эришган замонавий ютуқлардан фойдаланишни ўз ичига олмасдан, балки янгиликларни излаш, яратиш, мослаштириш, татбиқ этиш ва олинган натижаларни қайта текшириш каби жараёнларини ҳам қамраб олади.[4]

Инновацион фаолиятнинг тузилишини ўрганиб чиқсан олимлардан бири В.А.Сластенин уни қуидагича тузилишга эга деб кўрсатиб ўтади: “Инновацион фаолиятнинг тузилиши – ижодий ёндашув, ижодий фаоллик, янгиликни киритишга технологик ва методологик тайёргарлик, янгича фикрлаш, муомала маданияти. Инновацион фаолиятнинг даражалари:

репродуктив, эвристик, креатив бўлиши мумкин".[6]

Инновацион фаолият даврида янгиликлар, ўзгаришлар том маънода таълим жараёнига кириб келади. Шу сабабли таълим тизимидағи инновацияларни педагогик жараёнга киритиш тўрт босқичда амалга оширилади:

- 1) муаммони таҳлил асосида аниқлаш;
- 2) мўлжаланаётган таълим тизимини лойиҳалаш;
- 3) ўзгаришлар ва янгиликларни режалаштириш;
- 4) ўзгаришларни амалга ошириш.

Олий таълим муассасаси профессор-ўқитувчисининг инновацион фаолиятга тайёрлиги деганда, ушбу фаолият учун зарур бўлган шахснинг шаклланишини тушуниш лозимдир. Бунга катта ҳажмдаги меҳнат қобилияти, юқори ҳиссий ҳолат, ижодкорликка тайёрлик ва маҳсус фазилатлар (билим), янги технологиялар, янги ўқитиш усусларини ўзлаштириш, лойиҳаларни ишлаб чиқиш қобилияти, камчиликларнинг сабабларини таҳлил қилиш ва аниқлаш қобилияти киради.

“Инновацион фаолият – ўқитувчининг ўз фаолиятидан коник маслигидан келиб чиқади. У ўқитувчи томонидан у ёки бу педагогик вазифани ҳал қилишда қандайдир тўсиққа дуч келиниб, уни муваффақиятли ҳал этишга интилиш асосида юзага келади”.[5]

Инновацион фаолият янги гояни излашдан бошланади. Педагогик инновация таълим-тарбия жараёнидаги муҳим ва мураккаб масала ечимиға йўналтирилганлиги сабабли ўқитувчидан янгича ёндашувни талаб қиласди.

Ўқитувчиларнинг инновацион фаолияти ўзига хос хусусиятларга эга. Бу тегишли субъектлар учун маълум даражада ҳаракат эркинлиги мавжудлигини назарда тутади. Инновацион, қидирав ишларининг ўзига хос хусусиятларидан келиб чиқсан ҳолда, у кўпинча мавжуд тажрибадан ташқари изланиш орқали амалга оширилади ва факат қисман мавжуд ташкилотлар томонидан тартибга солиниши ва назорат қилиниши мумкин.

Кўплаб интернет ресурслари, олий таълим муассасалари ҳисоботлари, сўровномалар, статистик маълумотлар ва мақолаларни таҳлил қилиб, инновацион фаолият ўқитувчиларга қийинчилик түғдиради деган хуносага келинади. Бунинг учун эса ўқитувчиларни илмий-услубий жиҳатдан тайёрлаш лозимдир. Тадқиқотларга асосан олий таълим муассасалари профессор-ўқитувчиларининг инновацион фаолиятини ривожлантириш учун куйидагилар зарур:

1) давлат томонидан кўллаб-куватлаш (меъёрий-хуқуқий хужжатларни киритиш, ўқитувчиларни тайёрлаш бўйича қўшимча дастурларни ишлаб чиқиши орқали (ўқитувчиларни нафакат ўз ҳудудида, балки бошқа ОТМларда ҳам конференциялар, семинарлар, форумларда иштирок этиши) бўйича таклифлар ишлаб чиқиши);

2) ОТМ томонидан кўллаб-куватлаш (ўқитувчиларни ўз ғояларини амалга ошириш учун етарли адабиётлар ва қўшимча маблағлар билан таъминлаш (хариталар, моделлар, ўқув ўйинлари учун аксессуарлар ва бошқалар) ассистентлар, маслаҳатчилар, психологлар, методистлар ва бошқалар), шунингдек, ОТМ профессор-ўқитувчига ўз ғояларини амалга



ошириш учун эркинлик берилиши;

3) ўқитувчининг ўз-ўзини ривожлантириш истаги. Бунда ўқитувчи ўз ишини севиши ва педагогик маҳоратини оширишга интилиши.

Хулоса ўрнида шуни айтиш жоизки, олий таълим муассасаларида профессор-ўқитувчиларни инновацион фаолиятга тайёрлашдан мақсад – ўқитувчиларни янгиликка интилувчанлигини, мустақил ўз устида ишлаш кўникмаси ва малакасини шакллантириш, илғор педагогик технологиялар, интерфаол методлардан фойдаланиб, дарс ва дарсдан ташқари машғулотларни ўтказиш малакасини такомиллаштиришдан иборатdir.

Инновацион фаолият – бу илмий изланишлар, ишланмалар яратиш, тажриба-синов ишлари олиб бориш ёки бошқа фан-техника ютуқларидан фойдаланган ҳолда янги технологик жараён ёки янги такомиллаштирилган маҳсулот яратиш бўлиб, унинг прагматик хусусияти шундаки, у ғоялар майдонида ҳам ва алоҳида бир субъектнинг ҳаракат майдонида ҳам амалга оширилмайди, балки бу фаолиятни амалга ошириш тажрибаси кишилар ҳаётида ҳаммабоп бўладиган ҳолдагина ҳақиқий инновация ҳисобланади.

Фойдаланилган адабиётлар рўйхати:

1. Ўзбекистон Республикасининг 2020 йил 24 июлдаги “Инновацион фаолият тўғрисида”ги ЎРҚ-630-сонли Қонуни
2. Ўзбекистон Республикаси Президентининг 2017 йил 20 апрелдаги “Олий таълим тизимини янада ривожлантириш чора-тадбирлари тўғрисида”ги ПҚ-2909-сонли Қарори
3. Мирзиёев Ш.М. Ўзбекистон Республикаси Президентининг Олий Мажлисга Мурожаатномаси. – Т.2018, 19-20-бетлар.
4. Жуманиёзова М. Малака ошириш жараёнида ўқитувчиларни инновацион фаолиятга тайёрлашнинг педагогик асослари.: Педагогика фанлари номзоди. ...дисс. – Т., 2007. – Б.22.
5. Жўраев Р.Ҳ., Ибрагимов Х.И. Педагогик жамоанинг инновацион фаолияти. // ж. Халқ таълими. – 2004. - №2 – Б.4-8.
6. Сластенин В.А., Подымова Л.С. Педагогика – инновационная деятельность. – М.: Магистр, 1997. – Б.97.
7. Слобадчиков В.И. Инновационные образования. // ж. Школьные технологии. – М., 2005. - №2 – С.4-12.
8. Ходжаев Б.Х., Зуфаров Ш. “Педагогик инноватика”. Методик қўлланма. 2010 йил.
9. Умирдинов А. Олий таълимда «катта сакраш» учун ишни нимадан бошлиш керак? Нагоя иқтисодиёт университети профессори, хукуқ фанлари доктори. <https://kun.uz/49980797>